

空返獨無相饋以此而言誠可知也免聞議
讓謂緩狐曰多聚樵蘇方有所作緩狐竟馳
衡草曳木旣已蘊崇猛焰將熾兔曰仁者我
身卑劣所求難遂敢以微躬充此一餐辭畢
入火尋即致死是時老夫復帝釋身餘燼收
骸傷歎良久謂狐緩曰一何至此吾感其心

不泯其迹寄之月輪傳乎後世故彼咸言月中之兔自斯而有後人於此建塔也

延聖丘惟拱書

璧四

法苑珠林卷第六十四

箭反鄰起義譙昨集反驃毗沙鉢反鑄都歷於涅槃力延獲居繩反輶知演劃扶五勿反則居厥反踢徒郎初六反覲初六反談舊音反趨驅反

璧五

法苑珠林卷第六十五

使怨冤不斷苦報相酬今勸仁者同修慈行
所有恐怖並存放捨縱彼飛沉隨其飲啄當
使紫鮮頰尾並相忘於江湖錦臆翠毛等逍
遙於雲漢或聽三歸而悟道何異瞽龍聞四
諦而生天更同鸚鳥共立長壽之基同招常
命之果也

引證部第二

如梵網經云若佛子以慈心故令放生業一
切男子是我父一切女人是我母我生生無
不從之受生故六道衆生皆是我父母而殺
食者即殺我父母亦殺我故身一切地土是

我先身一切火風是我本體故常行放生生
受生若見世人殺畜生時應方便救護解

蓋聞瓦瓦雜類莫不貪生蠢蠢迷徒咸知畏
死所以失林窮虎乃委命於廬中鎗翻驚禽

其苦難常教化講說菩薩戒救度衆生若父
母兄弟死亡之日請法師講菩薩戒經律追
福資其亡者得見諸佛生人天上若不爾者
犯輕垢罪又僧祇律云一切道俗七衆等並
須濾水飲用若濾得水已使能見掌中細文
者審悉看之看時如大象載竹車迴須知無
應用使可信者教濾不可信者自濾得蟲還
送本取水來處安之若來處遠近有池井七
日不消者以蟲著中若知水有蟲不得持器
繩借人若池江水有蟲得唱云此水有蟲若
問者答云長者自看若知友同師者語言此
水有蟲當濾水用又十誦律有二比丘未曾
見佛從比遠道共往舍衛奉見世尊道中渴
乏值有蟲水破戒者言可共飲之持戒者言
水中有蟲何可得飲破戒者言我若不飲必
當渴死不得見佛便飲而去持戒者慎護戒
故不飲遂渴乏死即生三十三天身得具足
先到佛所頭面禮足佛爲說法得法眼淨受

朱子注

二

三歸畢還歸天上時飲水者後到佛所佛爲
四衆說法即被表金色身汝癡人欲看我
肉身何爲不如持戒者先見我法身智慧之
身佛言從今已去比丘若行二十里外無濾
水囊犯罪若自無同意伴有者聽去又有征
行軍人有比丘尼教化行人人皆弓頭安濾
囊持用濾水官人聞奏國王王聞瞋之皆欲
殺却汝小蟲尚畏不殺況見賊肯害之行人
向王分疎云小蟲若於國有害臣皆殺却既
無有然何故不聽濾飲王聞放之由行人義
慈善根力及賊皆來投化又正法念經云宿
之水若不細觀恐生細蟲若不濾治不飲不
用是名細持不殺戒 又智度論云過去世
時人民多病黃白瘻熟菩薩尔時身爲赤魚
自以爲其肉施諸病人以救其疾又昔菩薩
作一鳥身在林中住見有一人入於深水非
人行處爲水神所脣著不可解若能至香山
取一藥草者其脣上繩即爛壞人得脫去菩

薩宿世作如是等無量本生多有所濟名本
生經 又十誦律云佛言過去世時近雪山
下有鹿王名曰威德作五百鹿王時有獵師
安設施罥鹿王前行右腳墮毛罥中鹿王心
念若我現相則諸鹿不敢食穀須噉穀盡
乃現脚相時鹿皆去唯一女鹿住便說偈言

牛六五

三

大王當知 是羅師來 願勤方便 出是罥去
尔時鹿王以偈答言 我勤方便 力勢已盡
毛罥轉急 不能得出 女鹿見獵師到已向
說偈言 汝以利刀 先殺我身 然後願放
鹿王令去 獵師聞之生憐愍心以偈答言
我終不殺汝 亦不殺鹿王 放汝及鹿王
隨意之所去 獵師即時解放鹿王佛言昔
鹿王者今我身是五百鹿者五百比丘是時
有鴈王獵者得之有同伴鴈欲代捨命還說
偈相報獵師見愍二鴈並放後求寶報恩大
意同前 又智度論云王聞鹿言即從座起
而說偈言

我實是畜生 名曰人頭鹿 汝雖是鹿身
名為鹿頭人 以理而言之 非以形為人
若能有慈悲 雖獸實是人 我從今日始
不食一切肉 我以無畏施 且可安汝意
又善見律云目連為阿育王演本生經云大
王往昔有一鵠鴟鳥為人籠繫在地愁怖便
大鳴喚同類雲集為人所殺鵠鴟問道人云
我有罪不道人答云汝鳴聲時有殺心不鵠
鴟鳥言我鳴命伴來無殺心也道人即答若
無殺心汝無罪心也而說偈言

不同業而觸 不同心而起 善人攝心住
罪不橫加汝 又僧祇律云佛告諸比丘過
去出時香山中有仙人住處去山不遠有一
池水時水中有一鼈出池水食食已向日張
口而眠時香山中有諸猕猴入池飲水已上
岸見此鼈張口而眠時猕猴便作姪法即以
身生內鼈口中鼈覺合口藏六甲裏如故所
說偈言 愚癡人執相 猶如鼈所嚙

失守摩羅捉 非斧則不離

時鼈急促猕猴即行欲入水猕猴急怖便作是念若我入水必死無疑然苦痛力弱任鼈迴轉流離牽曳遇值嶮處鼈時仰卧是時猕猴兩手抱鼈作是念言誰當爲我脫此苦難

未六十五

猕猴曾知仙人住處彼當救我便抱此鼈向

彼處去仙人遙見便作是念咄哉異事念是猕猴爲作何等欲戲弄耶猕猴故言婆羅門是何等寶物滿鉢持來得何等信而向我余時猕猴即說偈言

我愚癡猕猴 無辜觸惱他 救厄者賢士

命急在不久 今日婆羅門 若不救我者

須臾斷身生 困厄還山林

命時仙人以偈答言

我令汝得脫 還於山林中 恐汝猕猴法

故態還復生 小時彼仙人 爲說往昔事

鼈汝宿命時 曾号字迦葉 猕猴過去世

号字橋陳如 已作姪欲行 今可斷因緣

迦葉放憍陳

今還山林去

龍聞是語
使放猴去頌曰

普親皆眷屬

閻世即相欺

但求現在樂

不知來苦資

牽我入三塗

楚痛受万危

自非慈放捨

何得命延時

感應緣略引一驗

唐魏郡馬嘉運以貞觀六年正月居家日晚出大門忽見兩人各捉馬一疋先在門外樹下立嘉運問是何人答云東海公使迎馬生耳嘉運素有學識知名州里每臺使及四方貴客多請見之及見聞名弗須恠也謂使者曰吾無馬使者曰進馬以此迎馬生嘉運即於樹下上馬而去其眾倒卧於樹下也俄至

朱六十五

五

一官曹將入大門有男女數十人門外如訟者有一婦人先與運相識是同郡張公瑾妻姓元氏手執一紙文書迎謂嘉運曰馬生尚相識不昔張總管交遊每數相見總管無狀非理殺我我訴天曹於今三年爲王天主救護公瑾故常見抑今乃得申官已追之不久

將至疑我獨見枉害馬生那亦來耶嘉運先知元氏被殺及見方自知死使者引入門門者曰公眠未可謁宜可就霍司刑處坐嘉運見司刑乃益州行臺郎中霍璋也見嘉運延坐曰此府記室官缺東海公聞君才學欲屈爲此官耳嘉運曰貧守妻子不願爲官得免幸甚璋曰若不能作自陳無學吾當有相識可舉令作俄有人來云公眠已起引嘉運入見一人在廳事坐肥短黑色呼嘉運前謂曰聞君才學欲屈爲記室耳能爲之乎嘉運拜謝曰幸甚但鄙夫田野頗以經業教授後生不足以當記室之任耳公曰識霍璋不答曰識之因使召璋問以嘉運才術璋曰平生知其經學不見作文章者嘉運曰誰有文章者嘉運曰有陳子良者解文章公曰故馬生歸即命追于子良嘉運辭去璋與之別倩君語我家狗吾臨終語汝賣我所乘作浮屠汝賣馬自費速如我教造浮屠所云我家狗者謂其

長子嘉運因問向見張公瑾妻所言天主者救公瑾故得至今今似不免矣言畢而別遣使者送嘉運至一小澗道指命由此路歸嘉運具言之其年七月綿州人姓陳名子良暴死經宿而蘇自言見東海公欲用爲記室辭不識文字別有吳人陳子良卒公瑾亦亡但二人亡後嘉運嘗與人同行於路忽若見官府者嘉運色憂怖唯趨走頃之乃定同侶問之答曰而見東海公使人云欲往益州追人仍說陳子良極訴君霍司刑爲君被誚讓君幾不免賴君贖生之福故得免也初嘉運在蜀之日將殃池取魚嘉運時爲人講書得紩數十疋因買池魚贖生謂此也至貞觀中車駕在九成宮聞之使中書侍郎岑文本就問其事文本錄以奏云余嘉運後爲國子博士卒官出真報記 救厄篇第七十五

此有五部

述意部 善薩部 流水部 商主部

獸王部

述意部第一

夫慈悲弘力之施祈福紓患之請誠至可感列聖同然而觀世大士獨見褒聞是以投火有必糜之軀漂海無或生之命但瞬息之頃言念歸向則洪海可竭烈火飛涼或臨刀項上白刃不傷或墮墮深坑全身無損或枷禁桎梏散誕刑軀如是得力備鑒難盡若懇誠克己必感靈徵若浮漫墮情艱危叵救也

菩薩部第二

如僧伽羅刹經云時有菩薩在山慈心端坐思惟不動鳥蹲頂上後覺鳥在頂懼仰墜落身不移搖檢坐而行彼處不動及鳥生翅但未能飛終不捨去又弥勒所問本願經云佛言阿難我本求道時勤苦無數過去世時有王太子号曰寶華端正姝好從園觀出道見一人身患病癩見問病人以何等藥可療卿病病者答曰得王身體髓血等以塗我身其病乃愈太子聞已即自破身骨髓血等以與病者至心施與意無悔恨其王太子者即我身是四大海水尚可斗量

卷六十五

七

我身骨髓血等不可稱數求正覺故又大集經云余時曠野菩薩現為鬼身散脂菩薩現為鹿身慧炬菩薩現猕猴身離愛菩薩現羖羊身盡漏菩薩現鵝王身如是五百諸菩薩等各各現受種種諸身其身悉出大香光明一一菩薩手執燈明為供養十方諸佛從七佛已來與如是佛同為眷屬受持五戒發菩提心為欲調伏一切衆生令發菩提故受此身又雜寶藏經云昔者有一羅漢道人畜一沙弥知此沙弥却後七日必當命終與假歸家至七日頭勑使還來沙弥辭師即便歸去於其道中見衆蟻子隨水漂流命將欲絕生慈悲心自脫袈裟盛土僵水而取蟻子置高燥處遂悉得活至七日頭還歸師所師甚憚之尋即入定以天眼觀知其更無餘福得余以救蟻子因緣之故七日不死得延命長又治故塔亦得延命又治捕加藍牆壁泥孔亦得延命也

流水部第三

如光明經云余時流水

長者子於天自在光王國內治一切衆生患
令得平復時長者子有妻名曰水空龍藏而
生二子一名水空二名水藏時長者子將是
二子次第遊行到一大空澤中見諸禽獸多
食肉血一向馳奔長者念言是諸禽獸何因
緣故一向馳走時長者子遂便隨逐見有一
池其水枯涸於其池中多有諸魚長者見魚
生大悲心時有樹神示現半身作如是言善
哉男子此魚可愍汝可與水是故号汝名為
流水長者問神此魚頭數為有幾所樹神答
言其數具足足滿十千余時流水聞是數已
倍生悲心時此空池為日所曝是十千魚將
入死門是時長者四方求水了不能得見有
大樹尋取枝葉還到地上與作蔭涼作蔭涼
已復更疾走遠至餘處見一大河名曰水生
有諸惡人為捕此魚決棄其水不令下過然
其決處懸峻難補時長者子速至王所說其
因緣唯願大王借二十大象令得負水濟彼

未盡

八

魚命爾時大王即勑大臣速疾供給自至厭
中隨意選取是時流水及其二子將二十大
象從治城人借索皮囊至彼上流決處盛水
象負馳疾至空澤池渴置池中水遂弥滿時
長者子於池四邊傍佯而行是魚亦隨循岸
而行時長者子復作是念是魚何緣隨我而
行必為飢火所惱從我求食爾時流水告子
至家啓其祖父家中可食之物悉載象上急
速來還爾時二子如父教勑至家啓祖說如
上事爾時二子收食載象還至父所長者心
喜從子取食散著池中與魚食已令其飽滿
復思經中若有衆生臨命終時得聞寶勝如
來名號即生天上即便入水作如是言南無
過去寶勝如來十号名字復為是魚解說如
是甚深妙法十二因緣爾時流水及子還家
復於後時賓客醉卧爾時其地卒大震動時
十千魚同日命終即生忉利天既生天已恩
念報恩爾時十千天子從忉利天下至長者

家時長者子在樓上睡是十千天子以十千真珠天妙瓔珞置其頭邊復以十千置其足邊復以十千置右脇邊復以十千置左脇邊兩曼陀羅華摩訶曼陀羅華積至于膝種種天樂出妙音聲闇浮提中有睡眠者皆悉覺悟流水長者亦從睡寤是十千天子於空遊行於王國內皆兩天華復至池澤復兩天華便從此沒還忉利宮

商主部第四

如大悲經云佛告阿難過去之世有大商主爲採寶故將諸商人入於大海彼所乘船衆寶悉滿至海中間其船卒壞時彼商人心懷怖畏極生憂惱其中或有得船板者或有浮者有命終者我於尔時作彼商主在大海中用以浮囊安隱而度時有五人呼商主言大士商主唯願慧施我等無畏說是語已爾時商主即告之言諸丈夫勿生怖畏我令汝等從此大海安隱得度阿難彼時商主身帶利劍而作是念大海之法不居死屍如其我今

自捨身命此諸商人必能得度大海之難作是念已即喚商人置己身上令善捉持彼諸商人有騎背者有抱肩者有捉腕者尔時商主爲欲施彼無怖畏故大悲熏心起大勇猛即以利劍斷己命根速取命終時大海漂其死屍置之岸上時五商人便得度海安隱受樂平吉無難還闇浮提阿難彼時商主豈異人乎我身是也五商人者今五比丘是也是五比丘昔於大海而得度脫今復於此生死大海而得度脫安置無畏涅槃彼岸

獸王部第五

如大智度論云乃往過去大海而得度脫安置無畏涅槃彼岸無量阿僧祇劫有大林樹多諸禽獸野火來燒三邊俱起唯有一邊而躡一水衆獸窮逼逃命無地佛言我於尔時爲大身多力鹿以前腳跨一岸以後腳踰一岸令衆獸跔背上而度皮肉盡壞以慈悲力忍之至死取後一免來氣力已喘自強努力忍令得過過已脊折墮水而死如是久有非但今也前得度者

今諸弟子是最後一兔湏跋陀是佛世世樂行精進今猶不息 又賢愚經云佛過去久遠世時時世飢儉如來因地慈救衆生作大魚身長五百由旬國人湏其肉者無問人畜皆來取噉取已還生經於十二年施其肉血又受生經云昔者菩薩曾為鼈王生長大海化諸同類子民群衆皆修仁德王自奉行慈悲救護愍於衆生如母愛子其海深長邊際艱峻而悉周至靡不更歷於時鼈王出於海外在邊卧息積有日月其甲堅燥猶如陸地賈人遠來因止其上破薪然火炊煮飯食繫其牛馬車乘載石皆著其上鼈王欲趣入水畏墮不仁適欲強忍痛不可勝便設權計入淺水處除滅火毒不危衆賈衆賈恐怖謂潮卒漲悲哀呼嗟歸命諸天唯見救濟鼈王心益愍之因報賈人曰慎莫恐怖吾被火焚故捨入水欲令痛息今當相安終不相危衆賈聞之知有活望俱時發聲言南無佛鼈興大

慈還負衆賈移在岸邊衆人得脫靡不歡喜遙稱鼈王而歎其德尊當為橋梁多所度行為大舟航超越三界設得佛道當復救脫生死之厄鼈王報曰善哉善哉當如來言各自別去佛言時鼈王者我身是也五百賈人者今五百弟子舍利弗等是也 又正法念經云若有衆生見犯法者應受死苦以財贖命令其得脫不求恩報命終生常歡喜天從天退還得受人身不遭王難若有衆生持戒見大火起焚燒衆生以水滅火救諸衆生命終生行道天受種種樂 又如度狗子經說昔有一國穀米勇貴人民飢餓時有沙門入城分衛周遍門室無所一獲次至長者大豪貴得鹿惡飯適欲出城門中逢一射獵者抱一狗子持歸欲殺見沙門歡喜前為作禮沙門呪願老壽長生沙門知有狗子疑欲殺之故問其人今何所賣答曰空行無所獲持沙門又問吾已見之何為藏匿殺生之罪甚為

不善願持我食賀此狗子令命得濟卿福無量其人答曰不能相與我故行求家門共食卿此小飯何所足乎沙門殷勤曉喻請之其人祇笑不肯隨言沙門又言設不肯者可以示我其人即出以示沙門沙門舉飯以餉狗子以手摩杖呪願渙出卿罪所致得是犬身不得自在見殺食噉使余卅罪滅福生離狗子身得生爲人所在遇法三寶自然狗子得食善心生焉踊躍歡喜知自歸依人將還家署殺共食狗子命過即生豪貴大長者家適生墮地便有慈心時彼沙門分衛次到長者門裏分衛時長者子見彼沙門憶識本緣使前稽首禮沙門足請前供養百味飲食前白父母言今我欲逐此大和尚奉受經戒爲作弟子父母愛重不肯聽之我今一門有汝一子當以續後家門之主何因便欲棄家而去小兒啼泣不肯飲食不欲聽我便自就死父母見然便聽令去隨師學道除去躊躇被

三法衣諷誦佛經深解其義便得三昧立不退轉開化一切發大道意佛世難值經道難聞能與相值無不蒙度畜生尚有得道豈況於人寧不獲果縱復殃犯還生慚愧白淨已來黑垢自滅又雜阿含經云尔時世尊告諸比丘過去世時有一鳥名曰羅婆爲鷹所捉飛騰虛空於空鳴喚言我不自覺忽遭此難我坐捨離父母境界而遊他處故遭此難如何今日爲他所困不得自在鷹語羅婆汝當何處自有境界而得自在羅婆答言我於田耕壠中自有境界足免諸難是爲我家父母境界鷹於羅婆起憍慢言放汝令去還耕壠中能得脫不於是羅婆得脫鷹爪還到耕壠大塊之下安住止處然復於塊上欲與鷹鬪鷹則大怒彼是小鳥敢與我鬪瞋恚極盛凌飛直搏於是羅婆入於塊下鷹鳥飛勢膽衝堅塊碎身即死時羅婆鳥深伏塊下仰說偈言
朱六五
鷹鳥用力來 羅婆依自塊

乘瞋猛盛力 致禍碎其身 我具足通達
依於自境界 伏怨心隨喜 自觀欣其力
設汝有凶遇 百千龍象力 不如我智慧
十六分之一 觀我智勝殊 摧滅於倉鷹
頌曰 含識皆畏死 有命懼嶮危
如魚困池涸 難逢流水希 親疎皆父母
何得輒相欺 慈悲救危苦 福報自然隨

感應緣略引一十五驗

秦沙門釋道固

晉居士呂竦

晉居士徐榮

晉居士張崇

晉將軍王懿

晉嚴猛婦

晉周子長

宋沙門竺惠慶

宋沙門釋曇無竭

宋沙門釋法

周沙門釋惠瑱

周沙門釋僧實

陳沙門釋惠布

唐沙門釋智聰

唐居士徐善才

秦沙門釋道固鄉里氏族已載前記秦姚弘
始十八年師道懿遣至河南霍山採鍾乳與

朱六十五

十三

同學道朗等四人共行持炬探穴入且三里
遇一深流橫木而過固最先濟後輩墜木而
死時火又滅冥然昏闇固生念已盡慟哭而
已猶故一心呼觀世音誓願若蒙出路供百
人會表報感神經一宿而見小光炳然狀若
熒火倏忽之間穴中盡明於是見路得出嚴
下由此信悟弥深屢覩靈異元嘉十九年臨
川康王作鎮廣陵請固供養其年九月於西
齊中作十日觀世音齋已得九日夜四更盡
衆僧皆眠固起礼拜還欲坐禪忽見四壁有
無數沙門悉半身出見一佛釐髮分明了了
有一長人著平上幘箋布袴褶手把長刀貌
極雄異捻香授道固道固時不肯受壁中沙
門語云固公可爲受香以覆護主人俄而霍
然無所復見當余之時都不見衆會諸僧唯
都所置釋迦文行像而已○晉呂竦字茂高
兗州人也寓居始豐其縣南溪流急岸峭迥
曲如縈又多大石白日行者猶懷危懼竦自

說其父嘗行溪中去家十許里日向暮天忽風雨晦冥如漆不復知東西自分覆溺唯歸心觀世音且誦且念須臾有火光來岸如人捉炬者照見溪中了了遙得歸家火常在前導去船十餘步竦後與鄰嘉賓周旋鄰所傳說○晉徐榮者鄉鄰人嘗至東陽還經定山舟人不憚誤墮洄浪中遊儻濤波垂欲沉沒榮無復計唯至心呼觀世音斯湏間如有數十人齊力引船者踊出浪中還得平流汎江還下日已向暮天大陰闇風雨甚缺不知所向而濤浪轉盛榮誦經不輟口有頌望見山頭有火光赫然迴盪趣之逕得還浦舉船安隱既至亦不復見光同旅異之疑非人火明旦問浦中人昨夜山上是何火光衆皆愕然曰昨風雨如此豈如有火理吾等並不見然後了其爲神光矣榮後爲會稽府督護謝敷聞其自說如此時與榮同船者有沙門支道蘊謹篤士也具其事後爲傅亮言之與榮所

朱六五

古

說同○晉張崇京兆杜陵人也少奉法晉太元中苻堅旣敗長安百姓有千餘家南走歸晉爲鎮戍所拘謂爲游寢殺其男丁虜其子女崇與同等五人手脚其械銜身掘坎埋築至腰各相去二十步明日將馳馬射之以爲娛樂崇慮望窮盡唯潔心專念觀世音夜中械忽自破上得離身因是便走遂得免脫崇旣脚痛同尋路經一寺乃復稱觀世音名至心礼拜以一石置前發誓願言今欲過江東訴亂晉帝理此冤冤救其妻息若心願獲果此石當分爲二崇礼拜已石即破焉崇遂至京師發白虎搏具列冤氏帝乃悉如意已爲人所略賣者皆爲編戶智生道人目所親見晉王懿字仲德太原人也守車騎將軍崇信奉法父苗符堅時爲中山太守爲丁零所害仲德與兄元德携母南歸登陟峭嶮飢疲絕糧無復餘計唯歸心三寶忽見一童子牽青牛見懿等飢各乞一餃因忽不見時積兩大

水慙前望浩然不知何處爲淺可得揭蹶俄
有一白狼旋繞其前過水而反似若引導如
此者三於是逐狼而渡水纔至膝俄得陸路
南歸晉帝後自王兵尚書爲徐州刺史嘗欲
設齋宿昔灑掃敷陳香華盛列經像忽聞法
堂有經唄聲清婉流暢懿遂往觀見有五沙

朱卉十五

十三

門在佛坐前威容偉異神儀秀出懿知非凡
僧心甚歡敬沙門迴相瞻眄意若依然音旨
未交忽而竦身飛空而去親表賓僚見者甚
衆咸悉欣躍倍增信悟

右此四驗
出真祥記

晉時會稽嚴猛婦出採薪爲虎所害後亡猛
行至蒿中忽見云君今日行必遭不善我當
相勉也既而俱前忽逢一虎跳踉向猛婦舉
手指虎狀而遮護湏臾有二胡人荷戟而過
婦因指之虎即擊胡聳得免也

右此一驗
出異苑錄

市瓦屋當道門卒便捉子長頭子長曰我是
佛弟子何故捉我吏問曰若是佛弟子能經
唄不子長先能誦四天王及鹿子經便爲誦
之三四過捉故不置知是鬼便罵之曰武昌
癡鬼語汝我是佛弟子爲汝誦經數偈故不
放人也捉者便放不復見屋鬼故逐之過家
門前鬼遞不得入門亦不得作聲而心將鬼
至寒溪寺中遇子長便擒鬼胷復罵曰武昌
癡鬼今當將汝至寺中和尚前了之鬼亦擒
子長胷相拖度五大塘西行後諸鬼謂捉者
曰放爲西將牽我入寺中捉者已放子長故
復語後者曰寺中正有道人輩乃未肯畏之
後一鬼小語曰汝近城東看道人面何以得
故便共大笑子長次達家三更盡

在驗出靈鬼志

宋沙門竺惠慶廣陵人也經行修明元嘉十
二年荆揚大水川陵如一惠慶將入廬山船
至小而暴風忽起同旅已得依浦唯惠慶船
未及得泊飄颻中江風疾浪涌靜待淪覆慶

正心端念誦觀世音經洲際之人望見其船
迎飈截流如有數十人牽挽之者逕到上岸
一船全濟宋元嘉初中有黃龍沙弥曇無
竭者誦觀世音經淨修苦行與諸徒屬二十
五人往尋佛國備經荒儉貞志殊堅既達天
竺舍衛路逢山象一群竭資經誦念稱名歸

朱六十五十六

命有師子從林中出象驚奔走後有野牛一
群鳴吼而來將欲加害竭又如初歸命有大

鷲飛來牛便驚散遂得剋免

此二驗
真祥記

宋高昌有釋法進或曰道進姓唐涼州張掖
人幼而精苦習讀有超邁之德爲沮渠蒙遜
所重遞卒于景環爲胡寇所破問進曰今欲

轉掠高昌爲可剋不進曰必捷但憂灾餓耳
迴軍即定後三年景環卒弟安周續立是歲
饑荒死者無限周旣事進進屢從求乞以賑
貧餓國蓄稍竭進不復求乃淨洗浴取刀鹽
至深窮窟餓人所聚之處次第授以三歸便
掛衣鉢著樹投身餓者前云施汝共食衆雖

飢困猶義不忍受進即自割肉挂盤以啖之
兩股肉盡心悶不能自割因語餓人云汝取
我皮肉猶足數日若王使來必當將去但取
歲之餓者悲悼無能取者湏吏弟子來至王
人復到舉國奔赴號咷相屬因舉之還宮周
勅以三百斛麥以施餓者別發倉廩以賑貧
民至明晨乃絕出城北闊維之煙焰衝天七
日乃歇屍骸都盡唯舌不爛即於其處起塔
三層樹碑于右此一驗出梁高僧傳

周上黨元開府寺釋惠瑱不知氏族奉律貞
確禪識為業會周建德六年國滅三寶瑱抱
持經像隱于深山遇賊欲劫初未覺也忽見

一人形長丈餘美兒鬚頬俱好衣服乘白馬
朱駿自山頂來徑至瑱前下馬而謂曰今夜
賊至師可急避瑱居懸崖之下絕無餘道疑
是山神乃曰今佛法毀滅貧道容身無地故
來依投檀越今有賊來正可於此取死更何

亦往此遂失所在當夜忽降大雪可深丈餘
雪深道隔遂免賊難後晴路開群賊重來神
還告山下諸村曰賊欲劫瑱師汝等急往共
救乃各嚴器杖入山拒擊賊便驚散從此每
日瑱植憑神力安業山阜不測其終

周京師大追遠寺釋僧寶俗姓程咸陽靈武
人也幼懷雅亮清卓不群魏孝文大和末年
從京至洛因遇勒那三歲授以禪法三學雖
通偏以九次雕心故得定水清澄禪林榮蔚
於是陶化京華久而逾盛忽於一日正午僧
寢之時自上樓鳴鐘急衆僧出房帷間所以
責告僧曰人各速備香火急赴集堂僧既集
已又告僧曰人各用心修理佛事齊讌觀者
以救江南梁國其寺講堂微崩恐損道俗宜
共救尼當尔之時揚都講堂正論法集道俗
湧千充滿其中忽聞西北異種香煙及空中
經聲伎樂零曳從堂北門而入直出南門合
掌驚出靴履忘著其遂聽聲人既出盡堂數

推倒大衆得全免斯危難奏聞梁主勅使問
周果如實救梁主三度奉請周主不放梁主
遙札備盡致敬大送珍寶及樹皮納三衣机
拂什物等禪師餘物並皆散施唯留納机等
見在禪林寺僧互掌之以保定三年七月十
八日卒於大追遠寺春秋八十有八朝野驚
嗟人天變色哀慟二國遺壙現在菟內

陳攝山栖霞寺沙門惠布俗姓郝廣陵人少
懷遠操性度虛梗志行罕儔爲君王所重或
見諸人樂生西方者告云方土乃淨非吾願
也如今所祈化度衆生如何在蓮華中十劫
受樂未若三塗處苦救濟也年至七十與衆
朱六十五

別云布命更至三五年在但老困不能行道
住世何益常願生邊地無三寶處爲作佛事
去也幸願好住願自努力於是絕粒不食命
將欲斷下勑令醫諒之縮辭不許沈皇后欲
傳香信又亦不許臨遺訣曰長生不喜夕死
無憂以生無所生滅無所滅故也未終前大

地連動七日便卒移屍就林山地又動太史奏云得道之人星滅矣時以當之初將逝時告衆前云昨夜有二菩薩來迎一是生身一是法身吾已許之尋有諸天又來迎接以不願生故不許余流光照於伽禪師戶偈時恆光盛出戶觀其二人向布房中不知是聖人也旦往述之恰然符合言已端坐而化有見

鬼者墮見幡華滿寺光明騰焰不測其故入山視之乃見布公去世也以陳禱明元年十一月二十三日卒于本住春秋七十有餘唐潤州攝山栖霞寺釋智聰未詳何人昔住揚州白馬寺後度江住揚州安樂寺大業既崩思歸無計隱江荻中誦法華經七日不飢恒有虎遶之而已不食已經數日聰曰吾命須更卿須可食虎忽發言曰造天立地無有此理忽有一翁年可八十腋下挾船翁曰師欲度江至栖霞寺住者可即上船四虎一時

目中淚出聰曰救危扶難正在今日可迎四

朱六十五

九

虎於是利涉往達南岸船及老人不知所在聰領四虎同往西霞舍利塔西經行坐禪誓不寢卧衆徒八十咸不出院若有凶事一虎入寺大聲告衆由此驚悟每以恒式至貞觀二十三年四月八日小食訖往止觀寺與衆辭別還本房安坐而卒異香充溢丹陽一郭年九十九矣右此四駁出唐高僧傳

唐武德初中有醴泉縣人姓徐名善才一生已來常修齋戒誦念觀世音經過逾千遍每在京城延興寺玄琬律師所修營功德敬造一切經至武德二年十一月因事還家道逢胡賊被捉將去至幽州南界胡賊凶毒所捉得漢數千人各被反縛將向洪崖差人次第殺之頭落懸崖賢者見前皆殺定知不免唯念觀音剎那不輟次到賢者初下刀時自見下刀及至斫時心不覺惺當殺之時日始申至於初夜覺身在深澗樹枝上坐去岸三百餘步賢者便自私念我何故在此良久始

知今日被殺何因不死身全在樹便以手摩頂覺項微痛而無損傷即知由念觀音得全身當時十五日天時月朗其身無衣薰不得食經由數日極覺飢寒旦漸下樹循澗東行二里於其澗內拾得一領羊裘及得一量鞋襪得著免寒復行一里便得一魁桃棗青翠赤白似新摘來可有升餘得食免飢自非觀音神力豈得仲冬得新桃棗既免飢寒得充氣力漸上南坡到南岸上反顧北看遙見賊營數里人畜聲閑猶未眠卧賢者雖到南岸恐賊來趨望家急行可行五十里知賊漸遠身心寧泰在一樹下歇息跏趺誦念身勞

二十

惡相資所以難感賢者平安到家并將殘桃棗呈示道俗知實不虛道師說之余幼自見

法苑珠林卷第六十五

壁五

鑣所拜反又醯呵改反頽勒貞反謗才笑反
瑾山札反渠蓬反紓神与反又校武粉反固俱永反
炬古鼎反柂徐呂反施智反翻下革反姐音阻鶴夜之
反郝呼各反箋資賢反瑱他見反褶音習
僑其腰反搏祖本反幽彼貧反

法苑珠林卷第六十六

壁六

唐上都西明寺沙門釋道世撰

怨苦篇第七十七此有五部述意部
傷悼部 五陰部 八苦部 雜難部
述意部第一 夫三界輪轉六道侵移神明
不朽識慮冥持乍死乍生時來時往弃捨身
尤多